

一之書叢學女

談美女婦國中

上海  
中華書局印行

民國六年六月五日  
民國六年六月五日  
民國廿五年  
發行版



編輯者

寶應盧壽錢

發行者

中華書局

印刷者

中華書局

印刷所

上海澳門路  
中華書局

總發行處 上海福州路中華書局

分發行處 各埠中華書局

(女學叢書之一) 中國婦女美談

◎ 全一冊定價銀九角

# 序

十數年來。有識之士。羣知女教不可不重。於是興學校。設教科。亟亟以灌輸新知識爲務。用意非不善也。然所造就之人才。不必盡爲母師女宗何也。蓋彼所重者。不過新知識。而最足重之舊道德。反棄如敝屣。以故女則列傳。論語孝經。束之高擱。由來已久。又何怪風俗人心。日趨偷薄。有每沉愈下之勢乎。夫近日女界之現象。有至不忍言者矣。墮胎避妊。旣風行於一時。離婚索居。亦層見而迭出。彼自號文明者。尙肆行無忌。而尋常女子。更不知禮義廉恥爲何物。女教而果發達。其弊不至於此。自三代已來。凡女供其職。婦盡其道。母肅其儀者。誠不乏人。降至今日。流風漸歇。豈真古今人之不相及耶。吾謂自今以往。誠能砥礪名節。崇尚道德。則巾幗之內。未必嗣響無人。茲取古代婦女之嘉言懿行。可爲後世法者。合而爲一編。名曰中國婦女

美談。編分三類。曰賢母、良妻、淑女。俾世之爲母爲妻爲女者。咸以古爲鑑。有所則倣。雖不足以維繫舊道德。然日趨偷薄之風俗人心。或能潛移默化於不覺。不可謂非女界前途之大幸也。丁巳三月一日

序

# 中國婦女美談

## 總目

### 卷上

#### 第一編 賢母類

教訓

鞠養

禮法

名義

才識

曠達

#### 第二編 良妻類

孝養

賢德

苦節

總目

中國婦女美談

死義

卷下

第三編

淑女類

孝行

貞淑

烈節

高義

才藝

女學叢書之一 中國婦女美談 卷上

第一編 賢母類

古今偉大人物。莫不出於善良之家庭。此賢母之所以可貴也。夫鞠育顧復。本爲母者分內事。凡婦人皆優爲之。有何足異。唯偶遭時變。能力育其子。至於成立。更教以義方。約以禮法。曉以大義。或於處世接物之際。出其明敏之才。曠達之見。措施裕如。俾事事有利於其子。則厠此婦人於賢母之列。不爲過也。劉向七篇。母儀居首。用意深遠。概可想見。故本編仿其例。列賢母爲第一類。

教訓

魯季敬姜

魯季敬姜者。莒女也。號戴己。魯大夫公父穆伯之妻。文伯之母。季康子之從祖叔母也。博達知禮。穆伯先死。敬姜守養。文伯出學而還歸。敬姜側目而盼之。見其友上堂。從後階降而卻行。奉劍而正履。若事父兄。文伯自以爲成人矣。敬姜召而數之曰。昔者武王罷朝而結絲絲。絕左右顧。無可使結之者。俯而自申之。故能成王道。桓公坐友。三人諫臣。五人日舉過者。三十人。故能成伯業。周公一食而三吐哺。一沐而三握髮。所執摯而見於窮閭隘巷者七十餘。

人故能存周室。彼二聖一賢者。皆霸王之君也。而下人如此。其所與游者。皆過已者。也是以日益而不自知也。今以子年之少。而位之卑。所與游者。皆爲服役子之。不益亦已明矣。文伯乃謝罪。於是乃擇嚴師賢友而事之。所與游處者。皆黃耄倪齒也。文伯引衽攘捲而親饋之。敬姜曰。子成人矣。文伯退朝。朝敬姜。敬姜方績。文伯曰。以歎之家。而主猶績。懼于季孫之怒。其以歎爲不能事主乎。敬姜嘆曰。魯其亡乎。使童子備官而未之聞耶。居吾語汝。昔聖王之處民也。擇瘠土而處之。勞其民而用之。故長王天下。夫民勞則思。思則善。心逸則淫。淫則忘。善忘。善則惡。心生。沃土之民不材。淫也。瘠土之民嚮義。勞也。今我寡也。爾又在下位。朝夕處事。猶恐忘先人之業。況有怠惰。其何以辟。吾冀汝朝夕修我。曰必無廢先人。爾今也曰。胡不自安。以是承君之官。余懼穆伯之絕祀也。文伯卒。敬姜戒其妾曰。吾聞之。好內女死之好。外士死之。今吾子夭死。吾惡其以好內聞也。二三婦之辱共祀先者。請毋瘠色。毋揮涕。毋陷膺。毋憂容。有降服。毋加服。從禮而靜。是昭吾子。仲尼聞之曰。女知莫如婦。男知莫如夫。公父氏之婦知矣。欲明其子之令德。敬姜之處喪也。朝哭穆伯。暮哭文伯。仲尼聞之曰。季氏之婦可謂知禮矣。愛而無私。上下有章。敬姜嘗如季氏。康子在朝。與之言不應。從之及寢門不應。而入。康子辭於朝。而入見曰。肥也不得聞命。毋乃罪耶。敬姜對曰。子不聞耶。天子及諸侯合民事於內朝。自卿大夫以下。合官職於外朝。合家事於內朝。寢門之內。婦人治其職焉。上下

同。夫外朝。子將業君之官職焉。內朝。子將庀季氏之政焉。皆非吾所敢言也。康子嘗至敬姜闔門而與之言。皆不踰闕。祭悼子。康子與焉。酢不受徹俎。不讌。宗不具不繹。繹不盡。飫則退。仲尼謂敬姜別於男女之禮矣。

### 楚子發母

楚將子發之母也。子發攻秦絕糧。使人請於王。因歸問其母。母問使者曰。士卒得無恙乎。對曰。士卒并分菽粒而食之。又問將軍得無恙乎。對曰。將軍朝夕芻豢黍粱。子發破秦而歸。其母閉門而不內。使人數之曰。子不聞越王句踐之伐吳。客有獻醕酒一器。王使人注江之上。流使士卒飲其下流。味不及加美。而士卒戰自五也。異日有獻一囊糗糲者。王又以賜軍士。分而食之。甘不踰噍。而戰自十也。今子爲將。士卒并分菽粒而食之。子獨朝夕芻豢黍粱。何也。詩不云乎。好樂無荒。良士休休。言不失和也。夫使人入于死地。而自康樂于其上。雖有以得勝。非其術也。子非吾子也。無入吾門。子發于是謝其母。然後內之。君子謂子發母能以教誨。

### 孟母

鄒孟軻之母也。號孟母。其舍近墓。孟子之少也。嬉游爲墓間之事。踴躍築埋。孟母曰。此非吾所以居處子。乃去舍市傍。其嬉戲爲賈人街賣之事。孟母又曰。此非吾所以居處子也。復徙

舍學宮之傍。其嬉游乃設俎豆。揖讓進退。孟母曰。真可以居吾子矣。遂居之。及孟子長。學六藝。卒成大儒之名。君子謂孟母善以漸化。孟子之少也。既學而歸。孟母方績。問曰。學所至矣。孟子曰。自若也。孟母以刀斷其織。孟子懼而問其故。孟母曰。子之廢學。若吾斷斯織也。夫君子學以立名。問則廣知。是以居則安寧。動則遠害。今而廢之。是不免乎斯役而無以離于禍患也。何以異于織績而食中道廢而不爲。寧能衣其夫子而長不乏糧食哉。女則廢其所食。男則墮于修德。不爲竊盜則爲虜役矣。孟子懼。旦夕勤學不息。師事子思。遂成天下之名儒。君子謂孟母知爲人母之道矣。孟子既娶。將入私室。其婦袒而在內。孟子不悅。遂去不入。婦辭孟母而求去曰。妾聞夫婦之道。私室不與焉。今者妾竊墮在室。而夫子見妾。勃然不悅。是客妾也。婦人之義。蓋不客宿。請歸父母。于是孟母召孟子而謂之曰。夫禮將入門。問孰存。所以致敬也。將上堂。聲必揚。所以戒人也。將入戶。視必下。恐見人過也。今子不察于禮而責禮于人。不亦遠乎。孟子謝。遂畱其婦。君子謂孟母知禮而明于姑母之道。孟子處齊而有憂色。孟母見之曰。子若有憂色。何也。孟子曰。不敢。異日閒居。擁楹而嘆。孟母見之曰。嚮見子有憂色。曰不也。今擁楹而嘆。何也。孟子對曰。軻聞之。君子稱身而就位。不爲苟得而受賞。不貪榮祿。諸侯不聽。則不達其上。聽而不用。則不踐其朝。今道不用于齊。願行而母老。是以憂也。孟母曰。夫婦人之禮。精五飮。冪酒漿。養舅姑。縫衣裳而已矣。故有閨內之修。而無境外之志。易

曰。在中饋。无攸遂。詩曰。無非無儀。惟酒食是議。以言婦人無擅制之義。而有三從之道也。故年少則從乎父母。出家則從乎夫。夫死則從乎子。禮也。今子成人也。而我老矣。子行乎。子義吾行乎。吾禮。君子謂孟母知婦道。

### 齊田稷母

齊田稷子之母也。田稷子相齊。受下吏之貨金百鎰以遺其母。母曰。子爲相三年矣。祿未嘗多若此也。豈修士大夫之費哉。安所得此。對曰。誠受之于下。其母曰。吾聞士修身潔行。不爲苟得。竭情盡實。不行詐僞。非義之事。不計于心。非理之利。不入于家。言行若一。情貌相副。今君設官以待子。厚祿以奉子。言行則可以報君。夫爲人臣而事其君。猶爲人子而事其父也。盡力竭能。忠信不欺。務在効忠。必死奉命。廉潔公正。故遂而無患。今子反是。遠忠矣。夫爲人臣。不忠是爲人子。不孝也。不義之財。非吾有也。不孝之子。非吾子也。子起。田稷子慚而出。反其金。自歸罪于宣王。請就誅焉。宣王聞之。大賞其母之義。遂舍稷子之罪。復其相位。而以公金賜母。君子謂稷母廉而有化。

### 王孫氏母

王孫氏之母者。齊大夫王孫賈之母也。賈年十五。事齊閔王。國亂。閔王出。見弑。國人不討賊。王孫母謂賈曰。汝朝出而晚來。則吾倚門而望汝。汝莫出而不還。則吾倚閭而望汝。今汝事

王王出走。汝不知其處。汝尙何歸乎。王孫賈乃入市中。而令百姓曰。淖齒亂齊國。弑閔王。欲與我誅之者。袒右。市人從者四百人。與之誅淖齒。刺而殺之。君子謂王孫母義而能教。

### 雋不疑母

漢京兆尹雋不疑之母也。仁而善教。不疑爲京兆尹。行縣錄囚徒還。其母輒問所平反。母喜笑飯食。言語異于他時。或無所出。母怒爲之不食。由是故不疑爲吏不嚴不殘。君子謂不疑母能以仁教。

### 嚴延年母

河南太守東海嚴延年之母也。生五男。皆有吏材。至二千石。東海號曰萬石嚴。延年爲河南太守。所在名爲嚴能。冬月傳屬縣囚論府下。流血數里。河南號曰屠伯。其母常從東海來。欲就延年臘。到洛陽。適見報囚。母大驚。便止都亭。不肯入府。延年出至都亭謁母。閉閣不見。延年免冠頓首閣下。母乃見之。因責數延年曰。幸備郡守。專治千里。不聞仁義教化。有以全安愚民。顧乘刑罰。多刑殺人。欲以致威。豈爲民父母之意哉。延年服罪。頓首謝。因爲御歸府舍。母畢正臘。已謂延年曰。天道神明。人不可獨殺。我不自意。老當見壯子被刑戮也。行矣。去汝東海。掃除墓地耳。遂去歸郡。見昆弟宗族。復爲言之。後歲餘。爲府丞。所章結延年罪名十事。下御史案驗。遂棄延年于市。東海莫不稱母賢智。

## 王商母

張霸女孫名淑紀。適廣漢王尊。至有賢訓。事舅姑以禮。生子商。海內名士。廣漢周幹。古朴彭鰥。漢中祝龜爲作頌曰。少則爲家之孝女。長則爲家之賢婦。老則爲子之慈親。終始且惠。秉心塞淵。宜諡曰化明惠母。

## 陸續母

漢明帝時。楚王英以謀反連及會稽太守尹興。陸續爲尹興掾。逮獄。掠拷五毒。肌肉消爛。終無異辭。母遠至京師。作食餽續。續見拷。辭色未嘗變。而對食悲泣。不自勝。使者怪問其故。續曰。母來不得見。故悲耳。使者大怒。以爲獄門吏卒通傳。召將案之。續曰。母截肉未嘗不方。斷蔥以寸爲度。是以知之。使者覈其實。陰嘉之。以狀聞。乃赦續等還里。

## 楊母秦瑛

秦瑛南鄭楊拒妻。大鴻臚劉巨公女也。有四男二女。拒亡教訓。六子動有法矩。長子元珍出行。醉母十日不見之。曰。我在汝。尚如此。我亡。何以。帥羣弟子。元珍叩頭謝過。次子仲珍。白母請客。既至。無賢者。母怒責之。仲珍乃革行交友。賢人兄弟。爲名士。秦瑛之教流于三世。四子才官。隆于先人。

## 杜母秦姬

泰姬南鄭人。趙宣妻也。生七男七女。若元珪。稚珪。有望。五人皆令德。其教男也。曰。中人情性。可上。下也。在其檢耳。若放而不檢。則入惡也。昔西門豹佩韋。以自寬宥。子賤帶弦。以自急。故能改身之恆。爲天下名士戒。諸女及婦。曰。吾之姪身。在乎正順。及其生也。恩存于撫愛。其長之也。威儀以先後之。禮貌以左右之。恭敬以監臨之。懃恪以勸之。孝順以內之。忠信以發之。是以皆成。而無不善。汝曹庶幾勿忘吾法也。後七子皆辟命。察舉牧州守郡。而漢中太守南鄭令。多與七子同歲。季考上計。無不修敬。泰姬執子孫禮。

陳母禮珪

陳母禮珪。成固陳省妻也。生二男。長娶張度。遼女惠英。少娶荀氏。皆貴家豪富。從婢七八。資財自富。禮珪敕二婦曰。吾先姑母師也。常言聖賢必勞民者。使之思善。不勞則逸。逸則不才。吾家不爲貧。所以粗食急務者。使之苦難。備獨居時。二婦再拜奉教。從孫奉上微慢。珪抑絕之。感悟革行。遭亂流行。宗表欲見之。必自嚴飭。從子孫侍婢。乃引見之。曰。此先姑法。四時祭禮。自親養牲釀酒。曰。夫祭禮之尊也。年八十九卒。惠英亦有淑訓。母師之行也。

王母季姜

季姜。梓潼文氏女。將作大匠廣漢王敬伯夫人也。少讀詩禮。敬伯前夫人有子博。女紀。流。二人。季姜生子曰康。曰稚。曰芝。女曰始。曰示。凡前後八子。撫育恩愛。親繼若一堂。祖母性嚴。子

孫雖見官二千石猶杖之婦跪受罰于堂歷五郡祖母隨之官後以年老不願遠鄉里姜亦常侍養左右紀流出適分已侍婢給之博好寫書姜手爲作表襖于是門內相化動行推讓博妻憊爲楊進及博子遵婦蜀郡張叔紀服姑之教皆有賢訓號三母堂季姜敕康稚之婦事進如舅姑中外則之皆成令德季姜年八十一卒四男棄官行服四女亦從官舍交赴內外冠冕百有餘人當時榮之王氏遂世興

### 趙母

趙母者桐鄉令虞韙妻潁川人也敏達多覽記吳大帝迎入宮禮之大帝欲征公孫淵疏諫止行嘗嫁女臨行敕之曰慎勿爲好女曰不爲好爲惡耶母曰好尙不可爲何況于惡謂無非儀也知婦道矣

### 孟仁母

吳孟母仁之母也有賢行仁少母遣從南陽李肅學爲作厚褥大被將之或問何也母曰兒幼何德以致客學者或貧無衣被將之庶得與賢者接氣類乎後仁仕爲軍吏不得志貧夜雨屋漏起涕泣謝母母曰第自勉困何詎非益久之除鹽池司馬自潔清躬結網捕魚作鮓以遺母母不受曰汝爲漁官而以鮓遺我豈處嫌之道哉仁泣受命孟仁卒著廉名母之教也

### 劉惔母

劉惔母任氏。與惔寓居京口。家貧。織芒屨以爲養。雖簞門陋巷。晏如也。後稍知名。論者比之袁羊。惔喜。還告其母。其母聰明婦人也。謂之曰。此非汝比。勿受之。又有方之范汪。惔復喜。因又不聽。及惔年德轉升。論者遂比之荀粲。

### 潘岳母

母晉潘岳之母也。潘岳既顯。猶貪利祿。不厭母責之曰。汝當知足。而乾沒不已乎。岳不能從教。卒罹于難。

### 陶侃母

陶侃母湛氏。豫章新淦人。陶氏貧賤。湛命侃就學紡績。資給之。使結交勝己。侃少爲潯陽縣吏。監魚梁。以一蚶鮓遺母。母封鮓及書責侃曰。爾爲吏。以官物遺我。是增吾憂也。鄱陽孝廉范逵與侃善。來寓宿。時大雪。母徹所臥。新薦剉以秣其馬。又密截髮賣與鄰人。供肴饌。逵聞之。歎息曰。非此母不生此子。侃後竟以功名顯。

### 皇甫謐母

皇甫謐母任氏。安定朝那人。歸皇甫無子。謐爲後。謐年二十。不悅學。遨蕩。一日得瓜果以共任氏。曰。孝經云。三者不除。雖日用三牲之養。猶非孝也。汝齒則既長矣。目不存。教心不求。道

何以慰我心乎。因歎曰。昔孟母三徙。以成仁。曾父烹豕。以存教。豈我居不卜鄰。教有所闕歟。何爾怠逸之甚也。修身篤學。自汝得之于我。何有因對之流涕謚感激就學。遂爲名儒。

### 王僧辨母

貞敬太夫人王僧辨母也。夫人姓魏氏。僧辨父神念。以天監初董率徒衆。據東關。退保合肥。巢湖西。因娶以爲室。生僧辨。性甚安和。善于綏接。家門內外。莫不懷之。初僧辨下獄。夫人流淚。徒行將謝罪。世祖不與相見。時眞惠世子有寵于世祖。軍國大事多問焉。夫人往詣閣。自陳無訓。涕泗嗚咽。衆竝憐之。及僧辨免。出見夫人。深相責勵。辭色俱嚴。云人之事君。唯須忠烈。非但保祐當世。亦乃慶流子孫。及僧辨克復舊京。功蓋天下。夫人恆自謙損。不以富貴驕物。朝野咸共稱之。謂爲明哲婦人也。

### 宣文君宋氏

宋氏太常韋逞母也。幼喪母。明慧。父授以周官。謂之曰。此經周公所制。以經紀典誥者也。吾家世以傳業。今無男可傳。以授汝。汝必敬受。無令此學遂絕。宋日諷誦。屬世亂。研精不輟。石虎徙民實山東。宋在徙中。與夫推鹿車就徙。而背負父所授經。與之俱至冀州。依膠東富人程安壽。晝出樵采。夜歸授子經。以紡績佐讀。逞遂成學。秦王堅憫禮樂廢闕。博求通周官有師法者。問諸博士。博士盧壹前對曰。學殖久廢。禮師法盡矣。太常韋逞母宋氏。學家傳其父